

頤堂詞

目錄

水調歌頭
調一

漁家傲
調一

醉花陰
調一

清平樂
調二

點絳脣
調一

浣溪沙
調一

虞美人
調二

菩薩蠻
調一

好事近
調一

頤堂詞目錄

國家圖書館, NATIONAL CENTRAL LIBRARY, TAIWAN, R.O.C.

長相思調

酒泉子調

恨來遲調

春光好調

南歌子調

畫堂春調

七娘子調

減字木蘭調

一落索調

醜奴兒調

長相思調


國家圖書館, NATIONAL CENTRAL LIBRARY, TAIWAN, R.O.C.

頤堂詞

水調歌頭

長江二月二日壬午令狐送客登妙高臺絕頂望明月山附縣十里許有懷美人歸作此詞明山郭仲文居其下公才居亦近之賈浪云長江頻雨後明月衆星跨驢歸又云長江頻雨後明月衆取其語

長江飛鳥外明月衆星中今來古往如此人事幾秋
風又對團團紅樹獨跨寒驢歸去山水淡丰容遠色
動愁思不見雨詩翁酒如澠談如綺氣如虹當時
痛飲狂醉只許賞心同響絕光沉休問俛仰之間陳
迹我亦老飄蓬望久碧雲晚一鴈度寒空



漁家傲次韻贈戴時行

漠漠郊原荒宿黃花趁得秋風早萬里岷峨歸夢到
東籬好未應花似行人老古往今來成一笑為君
醉裏消沉了不用登臨款短帽愁絕吳霜點鬢教
誰掃

醉花陰送夏立夫

平生五色江淹筆合占金閨籍桃李滿城春恨
屏
只作三年客畫舫暫繫河橋側一醉分南北惆
悵酒醒時雨笠風簑似舊無人識

清平樂填太白詞

東風歸早已綠瀛洲草紫殿紅樓春正好楊柳半和

煙裊玉輿遍遶花行初葦百轉新鶯歷歷因風傳

去千門萬戶春聲

又波新狀
又波新狀

墜紅飄絮收拾春歸去長恨春歸無覓處心事願誰
分付盧家小苑回塘于飛多少鴛鴦縱使東牆隔
斷莫愁應念王昌

點絳脣賦登樓

休惜餘春試來把酒留春住問春無語簾捲西山雨
一掬愁心強欲登高賦山無數煙波無數不放春
歸去

浣溪沙

一様嬋娟別樣清眼明初識董雙成香風隨步過簾
旌笑捧玉觴頻勸客浣溪裏轉新聲花間側聽
有流鶯

虞美人

別來楊柳團輕絮擺撼春風去小園桃李却依依猶
自留花不發待郎歸枝頭便覺層層好信是花相
慳觥一棹百分空判了如今醉倒闌香中

又

姚黃真是花中主箇箇尋芳去春光能有幾多時莫
遣無花空折斷腸枝蜂媒蝶使爭撩亂應妬傳觴
緩問花端的為誰開擬作移春小檻載歸來

菩薩蠻

和令狐公才

風柔日薄江村路一鞭又逐春花去胡蝶作團飛竹
間桃李枝醉魂招不得一半隨春色桃李無多
其如風日何

好事近

小砑碧霞牋不見近來消息玉骨瘦無一把又不成
空憶爐薰歇盡燭花殘佳夢了難得二十五聲秋
點最知人端的

長相思

來匆匆去匆匆短夢無憑春又空難隨郎馬蹤山
重重水重重飛絮流雲西復東音書何處通

酒泉子 送詣夫成
都作重九

錦水花林前度劉郎行樂處當時桃李卧莓苔又重
來今年菊蕊為君開賴有詩情渾似舊西風斜日
上高臺醉千回

恨來遲

柳暗汀洲最春深處小宴初開似泛宅浮家水平風
軟咫尺蓬萊更勸君吸盡紫霞盃醉看鸞鳳徘徊
正洞裏桃花盈盈一笑依舊憐才

春光好

和醉夢上崢嶸憶娉婷回首錦江烟一色不分明
翻為離別牽情嬌啼外没句丁甯紫陌綠窗多少限

兩難平

南歌子 早春感懷

命嘯無人嘯含嬌何處嬌江南烟水太迢迢壁月瓊
枝空想夜和朝目斷腸隨斷魂消骨更銷瑣窗風
雨不相饒猶似西湖一枕聽寒潮

畫堂春 春思

軟風和雨暗樓臺餘寒巧作愁媒半春懷抱向誰開
忍淚千回斷夢已隨煙篆醉魂空帶瓊盃小窗瞥
見一枝梅疑悞君來

七娘子

花明霧暗非花霧似春屏短夢無憑據夜月將來曉

燈催去半衾餘暖空留住 情柔意密愁千縷想一聲
聲雞唱東城路暫作行雲暫為行雨湯臺望極人何
處

減字木蘭花

致和

飛霞半縷收盡一天風和雨可惜黃昏殘角流鍾要
斷魂 雙魚傳信只道橫塘消息近心事恁恁同向
春風各自愁

一落索

昨夜封枝寒雪暗堆殘葉佳人醉裏插釵梁更不問
眠時節綉被重重夜徹燭光明滅枕傍爭聽落簷聲
更不問醒時節

醜奴兒

東風已有歸來信先返梅魂雪鬪紛紛更引蟾光過
璧門 綠衣小鳳枝頭語我有佳賓急泛清尊莫待
江南爛熳春

頤堂詞見此者六十五解今取其尤得以上二十
一解云

壬子二月景何嘉惠

堂鈔本

韻齋記



國家圖書館, NATIONAL CENTRAL LIBRARY, TAIWAN, R.O.C.

國家圖書館

印